

根本說一切有部苾芻尼毗奈耶卷第七

貴

唐三藏法師義淨奉制譯

汙家學處第十九

散時有衆多苾芻尼遊行至此於日初分執持衣鉢入聚落行乞食空鉢而還一無所獲諸尼便念此大衆聚落人民熾盛安隱豐樂

爾時薄伽梵在室羅伐城時枳吒山有十二衆苾芻尼謂難陀鄖波難陀吐羅難陀珠髻

貴七

難陀底沙底沙蜜怛羅底沙波離多底沙洛
綺多跋陀羅蘇跋陀羅孫陀羅逝延多斯等
皆爲汙家惡法與諸男子共爲戲笑歡言交
涉作掉舉事身相打觸同一牀坐同盤而食
同觴飲酒採華摘果隨情所好歌舞作樂粧
粉嚴身放逸掉舉倒身反躡狀若魚翻或作
馬鳴或爲牛吼口中更出種種音聲鳥雀共
聞及男女相擒如是戲弄作諸非法由是因
緣於枳吒山聚落惡名流布所有諸尼欲來
此者聞斯穢響皆不復來諸舊住人並皆四

軌事身相觸近遂令人衆生不信心耶時聚落中諸長者等因有籌議同聚一處中有鄖波索迦名溫路迦見諸乞食尼空鉢而入還空鉢出見已在一邊立問諸尼曰何故空歸諸尼即便具說其事鄖波索迦曰若爾仁等可往室羅伐城宜以此事白世尊知哀愍我等故諸苾芻尼默受其語時鄖波索迦禮諸尼足白言聖者今日慈愍於我宅中爲受微供尼衆爲受既至宅所以上妙食手自持奉皆令飽足齋齒木澡漱已屏除鉢器施主取

席上座前坐尼爲說法示教利喜從座而去時諸尼衆於橋薩羅人間遊行漸至室羅伐城時彼尼衆見客尼來即爲解勞共相問訊得安樂不諸尼以緣悉皆具報諸尼聞已告諸苾芻苾芻白佛佛告大世主曰喬答彌頗能與五百上座苾芻尼往枳吒山爲十二衆尼作驅遣羯磨不答言大德我實能去佛言喬答彌有五因緣作驅遣羯磨非法非律尼衆得越法罪云何爲五謂一不詰問二不令憶念三不審其事四彼不自言五人不現前雖實犯罪應合責心令其說悔已說之罪更令重說是謂五種非法驅遣衆得越法罪復有五緣作驅遣羯磨如法如律衆無越法翻上應知欲至彼山可於路次一處而住應差詰問苾芻尼若無五法即不應差設差應捨

云何爲五有愛恚怖癡於詰不詰不能解了若有五法合差不應捨棄云何爲五翻上應知如是應差如常集僧已應先問彼汝某甲苾芻尼能往枳吒山詰問十二衆苾芻尼行非法不彼尼答我能次令苾芻尼作白羯磨大德尼僧伽聽此某甲苾芻尼樂欲往彼枳吒山詰問十二衆汙家苾芻尼若尼僧伽時至聽者僧伽應許僧伽今差某甲苾芻尼爲詰問人往枳吒山詰問十二衆汙家苾芻尼白如是羯磨准白應作次當往至枳吒山城敷座席鳴撻椎若彼聞聲來集者善如不來者即應爲作驅遣羯磨若來應告原由汝等共作如是種種非法不清淨事若臣其罪應告彼言由此因緣故來爲汝作驅遣羯磨時十二衆聞大世主欲爲我等作驅遣事是時

跋陀羅蘇跋陀羅孫陀羅逝延多作如是念
若餘十二衆由其惡行毀壞正法我等同爾
今大世主爲彼諸人作驅遣羯磨者亦爲我
等作驅遣事便持衣鉢出城西門漸漸遊行
至室羅伐所犯之罪可說悔者如法對說可

責心者依法責除與清淨尼共爲受用其大
世主與五百人城東門入至所住處敷座席
鳴捷椎餘十二衆聞皆來集其詰問尼問十
二衆曰今由汝等行其惡行毀壞正法是事
實不答言實爾時詰問尼知衆集已作白羯

磨

大德尼僧伽聽此難陀鄖波難陀吐羅難陀
珠髻難陀苾芻尼作汙家行此等諸尼作諸
惡行毀壞正法若苾芻尼僧伽時至聽者苾
芻尼僧伽應許難陀等苾芻尼作汙家行無

棄捨心僧伽今爲作驅遣羯磨白如是

准羯磨白

時有溫路迦鄖波索迦見是事已往詣大世
主喬答彌處頂禮足已在一面坐時大世主
喬答彌爲溫路迦鄖波索迦說法示教利喜
勸令修善發歡喜心告言彼汙家惡行苾芻
尼已驅遣訖時溫路迦鄖波索迦白大世主

喬答彌願哀愍我明日就家爲受微供喬答
彌默然受請時溫路迦鄖波索迦既見受已
即於其夜備辦飲食明日清旦令使往請喬
答彌飲食已辦幸願知時喬答彌與諸尼衆

貴士

四

執持衣鉢往溫路迦鄖波索迦宅苾芻尼衆
就座而坐鄖波索迦持淨飯食依次行與令
衆飽滿洗手齒木漱口已時鄖波索迦於大
世主喬答彌前卑座聽法示教利喜從座起
去時大世主喬答彌遊行人間至室羅伐城

置衣鉢洗足已往詣佛所頂禮佛足在一面住白佛言我爲難陀鄃波難陀等苾芻尼作

汙家惡行驅遣羯磨法訖白佛已禮足而去時難陀鄃波難陀等苾芻尼共相謂言若人墮地還依地起我等共往室羅伐城於佛及

大世主喬答彌苾芻尼衆所求哀懺謝即漸行至室羅伐城時喬答彌聞難陀鄃波難陀苾芻尼等來至此城時大世主喬答彌共五百尼衆往詣佛所頂禮佛足在一面坐時大世主喬答彌白佛言世尊我聞難陀鄃波難陀苾芻尼等今來至此若相見者如何逢迎佛言若見彼時不須共語若尊老者亦莫禮拜少者來拜莫言無病若求居止當與邊房若覓牀席卧具與故破物若言我是尊老何爲與我故破之物即可語言汝是癡老爲佛

大慈與汝等此物時大世主喬答彌聞佛說已禮佛而去

時給孤長者詣世尊所頂禮佛足退坐一面合掌白佛言大德世尊我聞難陀鄃波難陀苾芻尼等來至此城行汙家惡法我今云何佛言不應敬禮問訊然須施食時難陀鄃波難陀尼詣大世主及諸耆宿尼所頂禮問訊皆不報言無病安樂年少諸尼不申敬禮從索卧具皆得故破之物求居止處得下惡房便作是語我等尊老何因與惡物時大世主方便告言汝等實是癡老大師悲愍令與汝等故破之物不生歡喜時難陀鄃波難陀尼等作如是議我等所爲言語意趣彼跋陀羅孫陀羅逝延多等與我相似事無有別我今宜往共彼籌量既至彼已時跋陀羅等見彼

尼來皆不共語歡懷問訊彼既見已報言理
合諸老宿尼不共我語仁等先時所有行跡
語言與我相似何因亦復不見逢迎諸尼答
曰我等所有行跡語言誠先不異然我於犯
應說悔者已爲說悔應責心者我已責除無
犯清淨是故我等不能與汝惡行破戒之人
共爲受用如持戒者聞是告已便作是語彼
諸尼衆有愛恚怖癡有如是同罪苾芻尼有
驅者有不驅者即以此緣尼白苾芻苾芻白
佛佛告諸苾芻尼汝等應可屏諫難陀鄖波
難陀等苾芻尼廣說乃至作白四驅擯羯磨
堅執不捨云此真實餘皆虛妄復以此緣尼
白苾芻苾芻白佛佛以此緣同前集尼問實
訶責乃至制學應如是說若復苾芻尼於村
落城邑住汙他家行惡行汙他家亦衆見聞

貴七

六

知行惡行亦衆見聞知諸苾芻尼應語彼苾
芻尼言具壽汝等汙他家行惡行汙他家亦
衆見聞知行惡行亦衆見聞知汝等可去不
應住此彼苾芻尼語諸苾芻尼言大德有愛
恚怖癡有如是同罪苾芻尼有驅者有不驅
者時諸苾芻尼語彼苾芻尼言具壽莫作是
語諸大德有愛恚怖癡有如是同罪苾芻尼
有驅者有不驅者何以故諸苾芻尼無愛恚
怖癡汝等汙他家行惡行汙他家亦衆見聞
知行惡行亦衆見聞知具壽汝等應捨愛恚
等言諸苾芻尼如是諫時捨者善若不捨者
應可再三慇懃正諫隨教應詰令捨是事捨
者善若不捨者僧伽伐尸沙尼者謂是難陀
鄖波難陀等尼或復餘尼乃至三人或多人
於聚落中者謂枳吒山汙他家者有二因緣

而汙他家云何爲二一謂共住二謂受用何謂共住謂與男子同一牀坐同一盤食同觴飲酒歡娛戲笑何謂受用樹葉華果及齒木等行惡行者謂行麤重罪惡之法家者婆羅門居士等舍見謂眼識聞謂耳識知謂餘識貞七諸苾芻尼者謂此法中尼應語彼苾芻尼者謂別諫言詞如前廣說若別諫時捨者善若不捨者苾芻尼應再三諫以白四法皆如上說此中犯相其事云何苾芻尼知彼如法爲作驅擯羯磨而後說言有愛恚等皆得惡作苾芻尼別諫時若捨者善若不捨者得窣吐羅底也餘並同前破僧處說

惡性違諫學處第二十

緣處同前時底沙洛綺多苾芻尼有其過惡諸尼詰念今其改悔利益而住語言姊妹有

過可如法發露勿作覆藏若發露者得安樂住時底沙尼語諸尼曰汝等種種家族廣說如餘莫向我說少許若好若惡我亦不向諸大德說若好若惡諸大德止莫勸我莫論說我即以此緣尼白苾芻尼白佛佛告諸苾芻尼汝等應可與彼屏諫廣說乃至作白四羯磨堅執不捨云此法實餘皆虛妄復以此緣尼白苾芻尼白佛佛緣此事同前集尼問實訶責乃至制學應如是說若復苾芻尼惡性不受人語諸苾芻尼於佛所說戒經中如法如律勸誨之時不受諫語言諸大德莫向我說少許若好若惡我亦不向諸大德說若好若惡諸大德止莫勸我莫論說我諸苾芻尼語是苾芻尼言具壽汝等莫不受諫語諸苾芻尼於佛所說戒經中如法如律如勸

誨之時應受諫語具壽如法諫諸苾芻尼諸
苾芻尼亦如法諫具壽如是如來應正等覺
佛聲聞衆使得增長共相諫誨具壽汝等應
捨此事諸苾芻尼如是諫時捨者善若不捨
者應可再三慇懃正諫隨教應詰令捨是事
貴七

捨者善若不捨者僧伽伐尸沙尼者謂底沙
苾芻尼或復餘尼惡性不受人語者若善苾
芻尼以隨順言不違正理正勸諫時自用已
情不相領納諸苾芻尼者謂此法中尼於佛
所說戒經中者佛謂大師於戒經中說八波
羅市迦法二十僧伽伐尸沙法三十三泥薩
祇波逸底迦法一百八十波逸底迦法十一
波羅底提舍尼法衆多學法七滅諍法經者
是佛所說或弟子說與理相應是略詮義依
如是等法律勸諫之時不受他語自守惡性

堅執而住諸大德莫向我說若好若惡等者
謂好事不須勸惡事勿相遮此等皆是別諫
之詞大德止者更重慇懃彰不受語乃至三
諫廣說如前此中犯相其事云何知諸苾芻
尼如法諫時得罪輕重亦如前說若得羯磨
已所有行法應可順行云何行法所謂不應
與他出家近圓及爲依止不畜求寂女不應
差往苾芻處而請教授設先被差亦不應去
有犯苾芻尼不應詰問羯磨等事亦不應訶
若有二十法者所有羯磨不應爲解及出罪
貴七九

何謂二十謂衆所不現恭敬身不輕利故或
於衆處不生卑下不羈傲慢故或於出離不
肯隨從不從治法故或於衆邊不行恭敬乖
敬法故或於界中不求解放於罪無悔故或
仗王家及斷事官或依外道及以別人不依

於衆著俗人衣及外道服承事外道作不應行苾芻尼學處而不修習或罵苾芻尼或時瞋恚或復訶叱或令衆失利或不欲同住若有此二十法不應與解諸大德我已說二十

僧伽伐尸沙法十二初犯八至三諫若苾芻尼
僧伽伐尸沙法十二初犯八至三諫若苾芻尼

尼隨一一犯故覆藏者二部僧伽應與作半
月行摩那馳行摩那馳竟餘有出罪若稱可
二部僧伽意者二部僧伽各二十衆當於四
十衆中出是苾芻尼罪若少一人不滿四十
衆是苾芻尼罪不得除二部僧伽得罪此是
出罪法今問諸大德是中清淨不如是諸大
說諸大德是中清淨默然故我今如是持

第三部三十三捨墮事

諸大德此三十三尼薩祇波逸底迦法半月
半月戒經中說尼無二定

初攝頌曰
持離畜浣衣 取衣乞過受 同價及別主
遣使送衣直
有長者不分別學處第一

緣在室羅伐城時諸苾芻多畜長衣每於齋
齒木時洗濯手足禮拜二師及禮世尊掃灑
寺宇或塗牛糞或入村乞食或噉飲食受教
聽法於此等時各別著衣舒張卷揲多有營
務廢修善品讀誦思惟時諸少欲苾芻見共
嫌恥云何苾芻多畜長衣廢修正業諸苾芻
貴七 +
以緣白佛佛集二衆廣說如前問知實已種
種訶責多欲不足難養難滿讚歎少欲知足
易養易滿知量而受修杜多行告諸苾芻曰
廣說乃至我觀十利爲二部弟子制其學處
應如是說若復苾芻尼作衣已竟羯恥那衣

復出得長衣分別應畜若過畜者尼薩祇波
逸底迦爾時世尊爲諸聲聞弟子制學處已
時有長者施衣具如苾芻律乃至前是創制
今更隨開應如是說

若復苾芻尼作衣已竟羯恥那衣復出得長
衣齊十日不分別應畜若過畜者尼薩祇波
逸底迦

若復苾芻尼者謂此法中尼作衣已竟羯恥
那衣復出者有作衣竟非出羯恥那衣有出
羯恥那衣非作衣竟有出羯恥那衣作衣亦
竟有非作衣竟非出羯恥那衣初句者若苾
芻尼浣染縫刺作衣已竟然僧伽未出羯恥
那衣第二句者若苾芻尼作衣未竟僧伽已
出羯恥那衣第三句者若苾芻尼作衣已了
僧伽復出羯恥那衣第四句者若苾芻尼作

衣未竟羯恥那衣未出言得長衣齊十日者
謂是十夜長衣者謂守持衣外別有餘衣作
分別法應畜若過畜者尼薩祇波逸底迦者
此物應捨其罪當說波逸底迦者謂是燒煮
墮落義謂犯罪者墮在地獄傍生餓鬼惡道
之中受燒煮苦又犯此罪若不慇懃說除便
能障礙所有善法故名波逸底迦此中犯相
其事云何若苾芻尼月一日得衣於十日內
應持應捨應作法若與他若不持捨不作法
不與他至十一日明相出時尼薩祇波逸底
迦若苾芻尼一日得衣二日不得衣乃至十
日得衣不爲持等至十一日明相出九日中
所得衣皆犯捨墮如是乃至八日等所得衣
作旬日數多少准事應知若苾芻尼一日得
衣二日得衣彼苾芻尼於十日內前所得衣

應持後所得衣應捨等可翻此若不作法至十一日明相出時二日中所得衣皆尼薩祇波逸底迦如是乃至三日等得衣准事應知若苾芻尼一日得五衣乃至二日等得衣應同前作法若不作法至十一日明相出時皆尼薩祇波逸底迦若苾芻尼一日得衆多衣

若前若後應持一衣餘皆作法若不作法至十一日明相出時皆尼薩祇波逸底迦若苾芻尼一日得衆多衣二日已去亦得衆多衣作法同前若不作法至十一日明相出時得罪同前此等皆是由前染後相續生過故若苾芻尼犯尼薩祇衣此衣不捨不經宿其罪不說悔若得餘衣皆犯捨墮若苾芻尼其尼薩祇衣雖捨而不經宿罪不說悔餘所得衣並犯捨墮若捨衣經宿而罪不說悔得所餘

衣並犯捨墮由前染故若苾芻尼畜長衣已犯捨墮不爲三事凡所得衣若鉢鉢絡水羅腰條乃至隨有所得沙門女資具養命之緣並尼薩祇波逸底迦由前染故若捨衣經宿其罪說悔得所餘衣並皆無犯

離五衣學處第二

緣處同前時諸苾芻多畜三衣隨安居處所得衣財浣染刺已內衣袋中繫縛使牢寄主人苾芻著上下二衣遊行人間既去之後主人爲彼藏舉曝曬開張多有作務遂廢讀誦攝念恩惟省事苾芻便生嫌賤咸作是語如何苾芻多畜長衣妨他正業時諸苾芻以事白佛佛以此緣同前集衆問實訶責廣說乃至制其學處應如是說若復苾芻尼作衣已竟羯恥那衣復出於五衣中離一一衣界外

宿下至一夜尼薩祇波逸底迦如是世尊爲

諸聲聞弟子制學處已時大迦攝波衣重如
苾芻律乃至前是創制今更隨開應如是說
若復苾芻尼作衣已竟羯恥那衣復出於五
衣中離一一衣界外宿下至一夜除衆作法

尼薩祇波逸底迦

黃七

十三

衣已竟羯恥那衣復出有四句差別如前離
一一衣者於僧伽胝溫咀羅僧伽安溫婆娑
俱蘇落迦僧脚崎五衣之中離一一衣異界
而宿乃至明相出除僧伽羯磨尼薩祇波逸
底迦此犯捨物同前作法此中犯相其事云
何

攝頌曰

一二多舍村 壁籬塗圍繞 家樂外道舍
店鋪及樓場 堂車船林樹 皆有四不同

於四威儀中 彼衣應善識

有一舍村二舍村多舍村牆圍村籬圍村塗
圍村一村有一勢分有多勢分多村有一勢
分有多勢分一家有一勢分有多勢分多家
有一勢分有多勢分如是應知若伎樂家外
道家若鋪店樓及場堂車船林樹皆有一多
勢分四種不同云何一舍村謂山野人同居
一舍此齊幾何是其勢分謂盡舍內外有一
尋又復齊其眷擣炒磨搗飲食聚會之處
亦名勢分若苾芻尼衣在舍中身居勢分或
衣居勢分身在舍中明相出時此無有犯若
置衣舍內及勢分中身居異處便得捨墮一
舍既爾二舍亦然云何多舍村謂村內人家
門無次第撩亂而住此齊幾何名爲勢分爲
異爲同答此村無勢分亦無共處離衣分齊

據家爲准云何牆圍村謂村四面以牆圍繞此齊幾何名爲勢分謂盡牆內外有一尋又復齊其鷄飛墮處又齊懷慚愧人便利之處是其勢分餘如前說云何籬圍村謂村四面以籬圍繞此齊幾何名爲勢分謂盡籬內外

齊七

十四

有一尋又復齊其牛羊足塵所及之處又齊

六牛竹車迴轉之處是其勢分云何塹圍村謂村四面以塹圍繞此齊幾何名爲勢分謂盡塹內外有一尋又復齊其十二肘梯所及之處又齊棄糞掃時麤大磚石所及之處是

復齊其春櫻炒磨粢飯飲食聚會之處亦名勢分云何多村有多勢分謂此多村有多園林多神廟衆集之處是謂多村有多勢分此齊幾何名爲勢分爲異爲同答此無勢分餘並如前云何一家有一勢分謂此家中唯一

齊七

十五

家長兄弟姊妹是謂一家有一勢分事並同園林一神廟衆集之處是謂一村有一勢分此齊幾何名爲勢分謂盡園林外有一尋又復齊其春櫻炒磨粢飯飲食聚會之處是其勢分云何一村有多勢分謂於此村有多園

林多神廟衆集之處是謂一村有多勢分此齊幾何名爲勢分爲異爲同答此無勢分但齊室中云何多村有一勢分謂此多村有一園林一神廟衆集之處是謂多村有一勢分此齊幾何名爲勢分村中並是外各一尋又復齊其春櫻炒磨粢飯飲食聚會之處亦名勢分云何多村有多勢分謂此多村有多園林多神廟衆集之處是謂多村有多勢分此齊幾何名爲勢分爲異爲同答此無勢分餘並如前云何一家有一勢分謂此家中唯一

家長兄弟姊妹是謂一家有一勢分事並同前一舍村說云何一家有多勢分謂此家中有多家長等分別是謂一家有多勢分此齊幾何名爲勢分謂齊門來更無勢分云何多家有一勢分謂諸家中唯一家長兄弟不分

是謂多家有一勢分云何多家有多勢分謂此諸家有多家長兄弟分別此齊幾何名爲勢分此無勢分餘並同前云何一伎樂家有一勢分宅中總是外有一尋又齊曬曝牛糞安置柴薪皮竿鼓瑟琵琶簫笛料理供具聚會飲食處來亦是勢分云何一伎樂家有多勢分謂此家中有多家長兄弟分別是謂一家有多勢分此齊幾何名爲勢分何共何別別謂據彼兄弟所居分齊共謂安置蟠竿處來云何多伎樂家有一勢分謂此諸家唯一家長兄弟不分是謂多家有一勢分此齊幾何名爲勢分宅中總是外有一尋又復齊其安置竿等並名勢分云何多伎樂有多勢分謂此諸家有多家長兄弟分別此齊幾何名爲勢分何共何別答此無勢分云何一外道家有一勢分謂

此家中同一見解無別意趣此之勢分宅中總是外有一尋又齊曬曝牛糞安置柴薪皮服君持祠祀籠杓火鑪呪祭春擣飲食聚會處來云何一外道家有多勢分謂此家中有多見解意趣不同此之勢分何共何別謂齊天祀云何多外道家有一勢分謂諸家中同一見解無別意趣此之勢分宅中總是外有一尋又齊曬曝牛糞等處云何多外道家有多勢分謂此諸家有多見解意趣不同此之勢分何共何別此無勢分云何一鋪有一勢貴七
十六分謂此鋪中有一家長兄弟不分此之勢分謂此鋪中有一家長兄弟不分此之勢分中間總是外有一尋又齊安置貨物計料量度交易之處云何一鋪有多勢分謂此鋪中有多家長兄弟分別此之勢分何共何別謂交易坐牀云何多鋪有一勢分謂此諸鋪唯

一家長兄弟不分此之勢分中間總是外有一尋又齊安置貨物等處云何多鋪有多勢分謂此諸鋪有多家長或兄弟分別此齊幾何是其勢分何共何別此無勢分云何一店有一勢分謂此店中有一家長兄弟不分此之勢分中間總是外有一尋又齊安置小麥大麥油麻小豆粟米粳米劫貝絲綿衣裳等物計料量度交易之處云何一店有多勢分謂此店中有多店主或兄弟分別此齊幾何是其勢分何共何別謂著物板處云何多店有一勢分謂此諸店唯一店主兄弟不分此之勢分中間總是外有一尋又齊安置麥豆等物云何多店有多勢分謂此諸店有多店主或兄弟分別此齊幾何是其勢分何共何別答此無勢分謂此諸場有一場主兄弟不分此之勢分

中有一樓主兄弟不分此之勢分中間總是外有一尋又齊聚會飲食處來云何一樓有多勢分謂此樓中有多樓主或兄弟分別此齊幾何是其勢分何共何別謂安置梯處云何多樓有一勢分謂此諸樓有一樓主兄弟不分此之勢分中間總是外有一尋此齊幾何是其勢分何共何別謂安置梯處云何多樓有多勢分謂此諸樓有多樓主或兄弟分別此齊幾何是其勢分何共何別答此無勢分云何一場有一勢分謂此場中有一場主兄弟不分此之勢分中間總是外有一尋安置穀麥筐升之處云何一場有多勢分謂此場中有多場主或兄弟分別此齊幾何是其勢分何共何別謂場界畔云何多場有一勢分謂此諸場有一場主兄弟不分此之勢分

中間總是外有一尋安置穀麥之處云何多場有多勢分謂此諸場有多場主或兄弟分別此齊幾何是其勢分何共何別答此無勢分云何一堂有一勢分謂此堂中有一堂主兄弟不分此之勢分中間總是外有一尋謂繫牛馬剉草棄糞所及之處云何一堂有多勢分謂此堂中有多堂主或兄弟分別此齊幾何是其勢分謂到門內云何多堂有一勢分謂此諸堂有一堂主兄弟不分此之勢分中間總是外有一尋繫牛馬剉草棄糞所及之處云何多堂有多勢分謂此諸堂有多堂主或兄弟分別此齊幾何是其勢分何共何別答此無勢分云何一車有一勢分謂此一車有一車主或兄弟分別此齊幾何是其勢分謂齊車輶何共何別共爲軏處云何多車有一勢分謂此諸車有一車主兄弟不分此之勢分謂駕車行處云何多車有多勢分謂此

諸車有多車主或兄弟分別此齊幾何是其勢分何共何別答此無勢分云何一船有一勢分謂此一船有一船主兄弟不分此之勢分謂船行住中間總是外一尋謂繫船處食噉食處云何一船有多勢分謂此一船有多船主或兄弟分別此齊幾何是其勢分何共何別答此無勢分云何一車有一勢分謂此一車有一車主兄弟不分此之勢分謂駕車行住中間總是外有一尋食噉飲食繫牛剉

云何一林有一勢分謂此林中有一林主兄弟不分此之勢分謂此林內中間總是外有一尋又復齊其採華之處食飲之處云何一林有多勢分謂此一林有多林主或兄弟分別此齊幾何是其勢分謂齊井來云何

竟七

十九

多林有一勢分謂此諸林有一林主兄弟不分此之勢分中間總是外有一尋及採華處云何多林有多勢分謂此諸林有多林主或兄弟分別此齊幾何是其勢分何共何別答此無勢分云何一樹有一勢分謂枝葉交密所及之處中間總是外有一尋又於五月日正中時樹影及處若無風時華葉果子墮落之處天雨時水滴及處云何一樹有多勢分謂樹枝葉疎散不交此齊幾何是其勢分何共何別謂是齊樹根云何多樹有一勢分謂

此諸樹枝葉相交覆所及處中間總是云何多樹有多勢分謂此諸樹各各相離枝葉不交此齊幾何是其勢分何共何別此無勢分苾芻尼有犯無犯准上可知爾時具壽毘波離白佛言世尊大德若苾芻尼行住坐卧時齊幾許來是離衣勢分佛言如生聞婆羅門種菴沒羅樹相離七尋華果茂盛此七樹間有四十九尋齊此已來是行苾芻尼不失衣分齊過此便失若住坐卧時但一尋內若二界中間卧時衣角不離身來是其勢分若苾

芻尼離衣宿應爲三事犯文並如前說

根本說一切有部苾芻尼毗奈耶卷第七

音釋

觴式羊切
酒危也擒巨金切
寒立曝云步木切
并日乾物也戒切
瑟琶瑟色補切
蒲巴切琵琶也僧詣支
也輶於革切琴瑟也亦
車輶也輶賞職切
也輶竿蒲蟠

貴七

二十一

十